

Agihan RM800 juta DPAKM dijangka selesai tahun ini

SERDANG – Agrobank optimis mampu menyelesaikan pengagihan Dana Pembiayaan Agromakanan Keluarga Malaysia (DPAKM) berjumlah RM800 juta bagi menjamin kesinambungan aktiviti pengeluaran makanan menjelang akhir tahun.

Ketua Pegawai Pembangunan Agrobank, Aminuddin Amenon berkata, sebanyak RM300 juta daripada dana tersebut diperuntukkan bagi pembiayaan ternakan ayam; RM200 juta untuk ternakan ruminan dan RM100 juta bagi tanaman sayur-sayuran.

Jelasnya, RM200 juta selebihnya diperuntukkan untuk pembangunan usahawan mikro, usahawan mikro baharu dan usahawan muda.

“Bagi pembangunan usahawan, dana sebanyak RM100 juta telah diluluskan sehingga Julai, melibatkan kadar keuntungan tiga peratus dengan moratorium bayaran balik pembiayaan selama enam bulan.

“Dana untuk ternakan ayam, ruminan dan tanaman sayur-sayuran juga mendapat sambutan yang baik, terutamanya semasa



AMINUDDIN (dua dari kiri) menyempurnakan gimik perasmian Program Inkubator Keusahawanan Akuakultur di UPM, semalam.

Pameran Pertanian Hortikultur dan Agropelancongan Malaysia (MAHA) 2022 baru-baru ini,” katanya.

Beliau berkata demikian pada majlis pelancaran Program Inkubator Keusahawanan Akuakultur dengan kerjasama Universiti Putra Malaysia (UPM) di Ladang 15, Fakulti Pertanian UPM semalam.

Menurut Aminuddin, sejum-

lah RM82,000 diperuntukkan bagi program kerjasama tersebut yang melibatkan 10 peserta untuk tempoh enam bulan, dalam usaha melahirkan usahawan akuakultur.

“Dana ini adalah daripada Tabung Pembiayaan Sosial Islamik, yang mana keuntungan akan dibahagi antara tabung tersebut, UPM dan peserta,” ujarinya.